

疽癘上七徐反癘字一拔上丑佳反以拳加
夷狄下徒的反夷狄東從北方之極也南蠻從
引大咳子反咳痰於去曉八上助嘶反未詳知
由所匱求位反駮贖上語解反愚一也亦患日上
本反疾一舉賈音賈生息而賈音利息一音古例
正法華經第二卷音釋 在二

正法華經卷第三

西晉三藏

竺法護譯

在

正法華經信樂品第四

於是賢者須菩提迦梅延大迦葉大目捷連
等聽演大法得未曾有本所未聞而見世尊
授舍利弗決當得無上正真之道驚喜踊躍

咸從座起進詣佛前偏袒右肩禮畢叉手瞻
順尊顏內自思省心體熙怡枝節和懌悲喜
並集白世尊曰唯大聖通我等朽邁年在老
耄於眾耆長僉老羸劣歸命眾祐冀得滅度
志存無上正真之道進力尠少無所堪任如
來所講我等靜聽次第坐定諸來大眾不敢

危疲無所患厭前者如來為鄙說法已得於
空無相無願至于佛典國土所有於一切法
無所造作其諸菩薩所可娛樂如來勸發多
所率化鄙於三界而見催逐常自惟忖謂獲
滅度今至疲憊尔乃誨我以奇特義樂於等
一則發大意於無上正真道而今大聖授聲

聞決當成正覺心用愕然惟未曾有余得大
利各當奉事乃獲逮聞如是品經從過去佛
常聞斯法故乃值遇則我祿厚踰獲妙寶無
鞅數妓意所至願現在於色而無所畏珍伎
鼓樂自然為鳴而然大燈照耀弥廣梅檀叢
林芬蘊而香唯然世尊我豈堪任而說之手
告曰可也時諸聲聞共白佛言昔有一士離
父流宕僑停他土二三十年馳騁四至求救
衣食恒守貧窮困無產業父詣異域獲無鞅
數金銀珍寶水精瑠璃車璪馬瑠瑚琥珀
帑藏盈滿侍使僮僕象馬車乘不可稱計眷
屬無數十寶豐溢出內錢財耕種賈作子厄

求食周行國邑城營村落造富長者適值秋
節入處城內循行帑藏與子別久忽然思見
不知所在自念一夫財富無量橫濟遠近竊
惟我老朽耄垂至假使終歿室藏騷散願得
見子恣所服食則獲無為不復憂惑其子僥
會至長者家遙見門前梵志君子大眾聚會

眷屬圍繞金銀雜廁為師子座交路珠璣為
大寶帳父坐其中分部言教諸解脫華遍布
其地億百千金以為飲食子觀長者色像威
嚴怖不自寧謂是帝王若大君主進退猶預
不敢自前孚便馳去父遙見子心用歡喜遣
傍侍者追呼令還惶悚躡地謂追者曰我不
在

相犯何為見捉侍者執之俱詣長者長者告
曰勿懼勿恐吾為子勤廣修產業帑藏充實
與子別久數思相見年高力弊父子情重將
入家內在於眾輩不與共語所以者何父知
窮子志存下劣不識福父久久意悟色和知
名又見奇珍長者言曰是吾子也以權告子

今且恣汝隨意所奏窮子恠之得未曾有則
從座起行詣貧里求衣索食父知子緣方便
與語汝便自去與小眾俱子來至此而再致
印曰至此宅有所調飾父付象馬即令祖習
假有問者荅亦如之當調車馬嚴治寶物恣
意賜與父求窮子所可賑給具足如斯時子

於厩調習車馬繕治珍寶轉復教化家內小
大父於窓牖遙見其子所為超絕脫故所著
沐浴其身右手洗之以寶璣珞香華被服光
耀其體皆令清淨而告之曰尔從本來何所
興立何所繫屬捨吾他行動苦飢寒吾已耄
矣以情相告便時納娶嬉遊飲食以康祚胤

吾所造業不可告計眾寶具足子知之乎求
汝積年而戀惡友今乃來歸宜除瑕垢吾有
妙寶夜光明珠琦珍瓊異皆為汝施僮僕侍
使男女小大恣意所欲一以相付吾愛念汝
猶如國王幸其太子諸尊聲聞共白佛言彼
時窮子播盪流離二三十年至長者家乃得
在

正法華經三

申叙追惟前後遊觀所更心悉念之時大長者寢疾于牀知壽欲終自命其子而告之曰吾今困劣宜承洪軌居業寶藏若悉受之周濟窮乏從意所施輒備奉教喜不自勝所行至誠不失本誓父知子志身行謹勅先貧後富益加欣慶宗敬親屬禮拜者長父於國主君王大臣衆會前曰各且明聽斯是吾子則吾所生名字爲某捨我流迸二三十年今乃相得斯則吾子吾則是父所有財寶皆屬我子子聞宣令大衆之音心益欣然而自念言予何宿福得領室藏諸聲聞等又白佛言大富長者則譬如來諸學士者則謂佛子勉濟吾等三界勤苦如富長者還攝耳子度脫生死於是世尊有無鞅數聖衆之寶以五神通除五陰蓋常修精進在彼道教志于滅度謂爲妙印慈懃慕求初不休懈欲得無爲意中默然熟自思惟所獲無量於如來所承法順行遵修禪定如常信樂謂觀我等懈廢下劣

而不分別不能志願此如來法珍寶之藏於今世尊以權方便觀于本際慧寶帑藏蠲除飢餉授大妙印唯然大聖於今昔年斯大迦葉從如來所朝旦印印當至無爲又世尊爲我等示現菩薩大士慧義余黨奉行爲衆說法當顯如來聖明大德咸使暢入隨時之義所以者何世雄大通善權方便知我志操不解深法爲現聲聞長三界法及生老死色聲香味細滑之事趣欲自濟不救一切離大慈悲智慧善權禪定三昧乃知人心不覩一切衆生根原譬如窮士求衣索食而父須待欲使安樂子不覺察佛以方便隨時示現我等不悟今乃自知成佛真子無上孫息爲佛所矜施以大慧所以者何雖爲佛子下賤怯弱假使如來觀心信樂信喜菩薩乘然後乃說方等大法又世尊興爲二事爲諸菩薩現甘露法爲諸下劣志願小者轉復勸進入微妙義譬如彼子與父久別道行遙見不識何人呼

在

正法華經

四

呼

而怖懷後稍稍示威儀法則乃知是父佛亦如是吾等不解菩薩大法雖從法生為如來子但求滅度不志道場坐佛樹下降魔官屬度脫一切我輩自謂已得解脫以是之故今日覩聞末為成就不為出家不成沙門今如來尊現諸通慧我等已獲大聖珍寶佛則為

父我則為子父子同體焉得差別猶如長者臨壽終時於大眾前宣令帝王梵志長者君子今諸所有庫藏珍寶用賜其子子聞歡喜得未曾有佛亦如是先視小乘一時悅我然今最後普令四輩比丘比丘尼清信士清信女天上世間一切人民顯示本義佛權方便

說三乘耳尚無有二豈當有三是諸聲聞皆當成佛我等悅預不能自勝時大迦葉則說頌曰我等今日 遠聞斯音 恠之愕然 得未曾有 由是之故 心用悲喜 又省導師 柔軟音響 尊妙珍寶 為大積聚 一處合集 以賜我等 未曾思念 亦不有求 遠聞和教 心懷踊躍

譬如長者 而有一子 興起如愚 亦不聞冥 自捨其父 行詣他國 志于殊域 仁賢百千 於時長者 愁憂念之 然後而聞 即自迸走 遊于十方 意常邑感 父子隔別 二三十年 與人變訟 欲得其子 便詣異土 入于大城 則於彼止 立於屋宅 具足嚴辦 五樂之欲

無數紫金 及諸珍寶 奇異財業 明珠玉碧 象馬車乘 甚為衆多 牛畜猪豕 雞鶩羝羊 出內產息 賈作耕種 奴業僕使 不可計教 嚴辦衆事 億千百類 又得王意 威若國主 一城民庶 委敬自歸 諸郡種人 遠皆戴仰 若干種業 因從求索 興造既多 不可計限

勢富如是 啼泣淚出 吾既朽老 志力衰變 心每思想 欲得見子 夙夜追念 情不去懷 聞子之問 意增煩惋 捨我別來 二三十年 吾之所有 財業廣大 假當壽終 無所委付 計彼長者 其子愚濁 貧窮困厄 常求衣食 遊諸郡縣 恒多思想 周旋汲汲 慕係饑口

征營馳邁	裁自供活	或時有獲	或無所得
纏滯他鄉	亦懷悵感	忘性褊促	荆棘勢身
展轉周旋	行不休息	漸漸息致	到父所居
盤桓入出	復求衣食	稍稍得進	至于家居
遙見勢富	極大長者	在于門前	坐師子牀
無數侍衛	眷屬圍繞	出內財產	及所施與
若干人眾	營從立侍	或有計校	金銀珍寶
或合簿書	部分券劄	紀別入出	料量多少
于時窮士	見之如此	猗往路側	觀所云為
自惟我身	何為至此	斯將帝王	若王太子
得無為之	所牽逼迫	不如捨去	修已所務
思慮是已	尋欲迸逝	世無敬貧	喜窮士者
是時長者	處師子座	遙見其子	心密踊躍
尋遣侍者	追而止之	呼彼窮子	使還相見
侍者受教	追及宣告	錄召令還	即怖躡地
心竊自惟	得無被害	為為見執	何所求索
大富長者	見之僮仆	憐傷斯子	為下劣極
亦不覩信	彼是我父	又復懷疑	不審財寶

其父慰喻	具解語之	有紫磨金	積聚於此
當以供仁	為飲食具	典攝眾計	役業侍使
吾有眾寶	蕙積腐敗	委在糞壤	不見飾用
子便多取	以為資本	蓄財殷廣	無散用者
其人聞告	如是教勅	則尋往詣	奉宣施行
受長者教	不敢違命	即入家中	止頓整領
在	云法華三	六	才
尔時長者	遙從天窓	詳觀察之	知何所為
雖是吾子	下劣底極	唯曉計竿	調御車耳
即從樓觀	來下到地	便還去衣	垢汗之服
則便往詣	到其子所	勅之促起	修所當為
今當與卿	劇難得者	以德施仁	案摩手脚
鹹醲滋美	以食相給	及牀卧具	騎乘所乏
於時復為	娉索妻婦	教點長者	以此漸教
子汝當應	分部之業	吾愛子故	心無所疑
漸漸稍令	入在家中	賈作治產	所入難計
所空缺處	皆使盈溢	步步所行	難杖加人
珍琦異寶	明珠瑠璃	都皆收檢	內于帑藏
一切所有	能悉計校	普悉思惟	財產利義

為愚騃子 別作小庫 與父不同 在於外處
 于時窮士 心自念言 人無有此 如我庫者
 時父即知 志性所念 其人自謂 得無極勢
 即便召之 而親視之 欲得許付 所有財賄
 而告之曰 今我一切 無數財寶 生活資貨
 聚會大眾 在國王前 長者梵志 君子等類
 使人告令 遠近大小 今是我子 捨我逃走
 在於他國 梁昌求食 窮厄困極 今乃來歸
 與之別離 二三十年 今至此國 乃得相見
 在於某城 而亡失之 於此求索 自然來至
 我之財物 無所乏少 今悉現在 於斯完具
 一切皆已 持用相與 卿當執御 父之基業
 其人尋歡 得未曾有 我本貧窮 所在不諧
 父時知子 為下劣極 得諸智藏 今日乃安
 大雄導師 教化我等 觀見下劣 樂喜小乘
 度脫我輩 使得安隱 便復授決 當成佛道
 於今安住 多所建行 無數菩薩 慧力無量
 分別示現 無上大道 攀緣稱讚 億姪譬喻

則便奉行 尊上大道 所當興立 示眾眼目
 余等得聞 最勝諸子 當於世間 得成佛道
 而為聖尊 造業若斯 將養擁護 於此佛法
 讚說分別 最勝慧義 則為感動 一切眾生
 我等志願 貧心思念 假使得聞 于斯佛誨
 不肯發起 如來之慧 觀見最勝 宣暢道義
 意中自想 盡得滅度 不願志求 如此比慧
 又聞大聖 諸佛國土 未曾有意 發歡喜者
 寂然在法 一切無漏 棄捐所興 滅度之事
 由此思想 不成佛道 常當修行 晝夜除慢
 諸佛道義 最無有上 未曾勸助 志存于彼
 今乃究竟 具足最勝 得無為限 當捨陰蓋
 長夜精進 修理空義 解脫三界 勤苦之惱
 佛興教戒 則以具嚴 如是計之 無所乏少
 最勝所演 經身之慧 假使有人 願尊佛道
 為是等故 加賜法事 由緣到斯 余徒欽樂
 有大導師 周旋世間 普悉觀察 如此輩相
 諸恐懼者 今得利義 求索勸助 令我信樂

善權方便 猶若如父 譬如長者 遭時大富
其子而復 窮劣下極 則以財寶 而施與之
大聖導師 所興希有 分別宣揚 善權方便
諸子之黨 志樂下劣 修行調定 而以法施
我等今日 致得百千 未曾有法 如貧得財
於佛教化 獲道德寶 第一清淨 無復諸漏

長夜所習 誠禁定意 執義將護 世雄唱導
今日有獲 佛之大道 眷屬圍遶 修行無闕
其有長夜 清淨梵行 依倚法王 深遠之慧
而為具足 此尊德果 日成微妙 無有諸漏
我等今日 乃為聲聞 逮得聽省 上尊佛道
當復見揚 聖覺音聲 以故獲聽 超度恐懼

今日乃為 致無所着 以無着義 為諸天說
世人魔王 及與梵天 為親一切 衆生之類
何所名色 造立寂然 蠲除衆生 無數億劫
於是所造 甚難得值 計於世間 希有及者
今日無着 燒罪度岸 修行為業 踊躍歡喜
吾等歸聖 以頂受之 所願具足 如江河沙

飲食衣服 若干巨億 諸牀卧具 離垢無穢
用栴檀香 以為屋室 柔軟坐具 以敷其上
若疾病者 無數藥療 今日供養 安住廣度
所施劫數 如江河沙 所造立者 無能奪還
高遠之法 無量無限 其大神足 建立法力
佛為大王 無漏最勝 堪任堅強 常修牢固

安慰勸進 恒以時節 未曾修設 望想福行
於一切世 諸法中尊 皆為大神 最勝如來
然大燈明 示無數衆 知衆黎庶 勩力所在
若干種種 所喜樂願 因緣百千 而順開化
如來皆覩 衆人性行 他人心念 一切群萌
以若干行 而致墮落 以法示現 此尊佛道

正法華經藥草品第五

尔時世尊告大迦葉及諸耆年聲聞善哉善哉
哉所歎如實審如所言如來之德如向所喻
復倍無數不可思議無能計量劫之妓底一
一計數大聖所應如來之慧無能限者不有
法想道地處所莫能盡原世尊普入一切諸

義察于世間見衆庶心所度無極一切分別皆使決了權慧之事勸立一切度於彼岸皆現普智入諸通慧譬如三千大千世界其中所有諸藥草木竹蘆叢林諸樹小大根本莖節枝葉華實其色若干種類各異悉生于地若在高山巖石之間丘陵堆阜谿谷坑坎時大澍雨潤澤普洽隨其種類各各茂盛叵我佞仰莫不得所雨水一品周遍佛土各各生長地等無二如來正覺講說深法猶如大雨大聖出現與在世者則爲一切諸天人人民阿須倫鬼神龍顯示威耀咸尋來至皆現在前爲暢大音分別慧義大師子吼班宣景模吾爲如來使天上天下諸天世人未度者度未脫者脫未安者安未滅度者令得滅度於是世及後世所知而審爲諸通慧皆能普見度諸度脫諸脫安諸安未滅度者皆令滅度悉令詣我於時諸天人人民阿須倫捷沓和迦留羅真陀羅摩睺勒一切雲集吾於講法現其

道義佛爲道父分別道慧佛語迦葉于時黎庶無數億姪皆來聽經如來通見一切根本大精進力如應說法分別散告無量言教不失本心咸令歡喜安隱無患或得度世終生善處恣其所好各自然生或習愛欲便爲說經或聽受法離諸貪惑轉稍以漸遵諸通慧因從本力如其能量堅固成就平等法身猶如大雨普佛世界滋育養生等無差特如來演法一品如是至解脫味離欲寂滅入諸通慧若聽受持諷誦奉者不自識省無所觀念所以者何群生根本形所像類如所想念已念當念所可施行已行當行甫當行者諸所因緣所當獲致所當說者唯如來目悉知見之在所現處住于其地如雨等潤藥草叢林白黑青赤上中下樹世尊如之見一味已人解脫味志于滅度度諸未度究竟滅度令至一土一同法味到無恐懼使得解脫化於衆生使得信樂煦育將護悉令普至於諸通慧

在

四法三

十

十

讚詠分別建賢聖法亦如向者迦葉所說世	尊欲重解義所趣以偈頌曰	吾興於世間	仁和為法王	隨其所信樂	意勇建大業	群萌多受持	烝庶無所言	闇冥設聞者	衆生懷狐疑	隨其境界說	如本力所任	則為現正法	譬如純黑雲	普雨佛世界	遍覆於土地	周匝有水氣	而復震雷聲	陰蔽於日月	除熱令陰涼	貯布現在上	彼時普等雨	滂流於佛土	澤洽衆區域	激灌一切地	旱涸枯谿澗	惠澤無不到	衆原皆滿溢	淋漉穉幽藪	萌蘗用青蒼	椶木諸叢林	滋長大小樹	莖幹華實繁	隨其本境界	衆藥咸茂植	皆令得蒙恩																																				
諸大樹木	結根坑坎	陝隘迤處	而生其中	如諸邪道	一切愚癡	長益繫縛	如象着鞮	草刺棘樹	蘆葦稠稠	莖節枝葉	及諸華實	華實茂盛	多所饒益	蒙雨之恩	藥草滋長	從其種類	因本境界	各各得服	飢渴飽滿	如其所種	各得其類	然其天雨	皆為一味	告迦葉曰	佛亦如是	興出于世	譬如大雨	適現天下	為衆說法	以至誠行	示于衆生	大仙以斯	使人聞經	皆於諸天	人民前現	佛為如來	兩足之尊	善權方便	猶如天雨	吾當飽滿	一切群萌	愚駭之黨	身形枯燥	除諸苦患	得立大安	燒盡大欲	獲至滅度	諸天人	皆聽我言	普悉當來	詣佛大聖	吾為如來	世尊無倫	有所導御	故出於世	為一切人	分別說經	化無數千	衆生之類	又復示現	若干種義	於彼如此	常行平等	得至解脫	滅度無為	或在門前	而說經典	則為造立	道德之藏	諸等不等	皆令平等

無有所增 愛欲永除 未曾講說 無益之語
 未嘗憎嫉 諸放逸緣 以一切法 為衆生說
 假使衆庶 多不可計 為講大典 不詭因緣
 行步所由 若復住立 在於座上 而續三昧
 譬如大龍 雨多所潤 普浸清斯 一切世間
 尋興慧雲 而降法雨 暢發微妙 應病與藥
 常為衆生 說賢聖義 皆令奉戒 如天陰涼
 衆人失言 及違諸行 欲令近法 漸漸調柔
 使住疑者 捨諸邪見 勸化導利 令淨所覩
 捨置下劣 遠衆懈廢 隨其所趣 而令入法
 應時為說 如其心本 令皆棄捐 順師子行
 世尊等演 經法之雨 悉使得至 大尊佛道
 任其力耐 而今聽受 若干道慧 而化立之
 從諸天人 志性所樂 天帝釋梵 轉輪聖王
 猶如於此 諸小世界 諸藥品類 各各異種
 譬小段段 諸所良藥 迦葉且聽 吾悉當說
 已能識慧 無漏之法 便得無為 所在遊行
 神通三達 亦復如是 斯雨定意 三昧諸藥

或有遊燕 在於山巖 其人便得 緣一覺乘
 於彼修禪 清淨之行 是則名曰 為中品藥
 假使志願 上士美德 我當於世 逮成導師
 常精進行 志依一心 是則名曰 為上尊藥
 設使欲為 安住之子 恃怙慈心 而行寂然
 疾得成道 為人中尊 所謂樹者 則喻於斯
 是等能轉 不退轉輪 建立神足 根力之行
 緣是長養 醫藥除病 英雄度脫 無數億人
 隨時示現 於斯佛道 是則名曰 為大林樹
 吾之所順 善權方便 一切大聖 亦復如是
 最勝講法 則為平等 猶如慶雲 普一放雨
 神通無礙 如此比像 若如衆藥 在於地上
 以觀如是 微妙之義 如來所建 善權方便
 假使分別 一善法事 亦如天雨 至若干形
 佛以法雨 多所安隱 普潤天下 有所成就
 觀察其人 堪任所趣 佛之法誨 景則一等
 譬如放雨 墮草山巖 及至中間 無有不遍
 灌諸樹木 并大叢林 密雲四集 天下豐美

設使世間行慈哀法當以經典飽滿天下
以現世間令普安隱天雨藥草華實茂盛
其藥樹木稍稍長大是為羅漢諸漏盡者
諸緣覺品處于林藪我所說法無有塵垢
無數菩薩志開捨智周旋三界一切普行
於眾會中演此大道猶如樹木日日滋長
修進神足專達四禪若聞空慧心則解達
放出光明無數億千是為大樹而復滋茂
若諸聲聞不至滅度斯為世尊第一最說
若此分別乃為講法猶如興雲而澍甘雨
漸漸長育眾藥草木人民之華不可稱量
一時之間說因緣法而為眾人現于佛道
在法華三十三

好惡香臭等無差特佛亦如是以智慧光普
照一切五道生死菩薩緣覺聲聞慧無增減
隨心所解各得其所本無三乘緣行致之迦
葉白佛設無三乘何故有得菩薩緣覺聲聞
佛言譬如陶家埏埴作器或盛甘露蜜或盛
酪蘇麻油或盛醲飲食泥本一等作器別異
所受不同本際亦尔一等無異各隨所行成
上中下迦葉又問縱使別異究竟合不告曰
當合明者解之譬若有人從生而盲不見日
月五色十方則謂天下無日月五色八方上
下有對說者其人不信若有良醫觀人本疾
何故無日本罪所種離明眼冥體嬰重病何
謂重病風寒熱瘳是則四病便心念言斯人
之病凡藥療之終不能愈雪山有藥能療四
病一曰顯二曰良三曰明四曰安是藥四名
於時良醫愍傷病人為設方便即入雪山采
四品藥咬咀搗合以療其盲目便見明又加
針灸消息補瀉斯人目精內外通徹觀日月

光五色十方尔乃取信尋自剋責我之盲冥
無所見聞自已為達今眼得視乃自知本愚
蔽之甚今觀遠近高下無踰我者時有五通
閉居仙人洞視徹聽身能飛行心能知人所
念自知所從來生死本末而具語曰卿莫矜
高自以為達仁在屋裏自閉不出不知外事

人念卿善或念卿惡常不能見十里五里語
言之音或二十里擊鼓之聲猶不能聞近一
二里自不踏步亦不能至自觀未生胚胎所
憶亦不能識有何通達稱無不見乎今吾察
卿身真中為明明中為冥其人問曰作何方
術得斯聖通願垂惠誨仙人答曰當入深山
在 卅三 卅四

閉居獨處除諸情欲尔乃有獲即遵所訓捨
家巖燕一心專精無所慕樂則得神通尔乃
自覺察本所見不足言名今得五通無所罣
礙甫自知本所見蔽闇佛言如是當解此喻
人在生死五道陰蓋不了本無則名曰癡從
癡致行從行致識從識致名色從名色致六

入從六入致更從更致痛從痛致愛從愛致
受從受致有從有致生從生致老病死憂惱
苦患罪應集合固謂盲冥是以世尊愍傷其
人昇降三界輪轉無際不能自拔觀察眾生
心之根原病有輕重垢有薄厚解有難易觀
見遠近便見三乘發菩薩心至不退轉無所

從生徑得至佛猶如有目得為神仙其良醫
者謂如來也不發大意謂生育也貪婬瞋恚
愚癡六十二見謂四病也空無想無願向淫
洹門謂四藥也藥行病愈則無有癡行識名
色六入所更痛愛受有生老病死憂惱苦患
皆悉除矣志不住善亦不在惡如生盲者逮

得兩目謂聲聞緣覺生死以斷度於三界省
練五道自以通暢莫能踰者臨欲滅度佛在
前住誨以要法發菩薩意不在生死不住滅
度解三界空十方一切如化如幻如夢野馬
深山之響悉無所有無所希望無取無捨無
冥無明尔時深觀無所不達見無所見見知
在 卅三 卅五

一切黎庶萌兆於是頌曰

譬如日光耀 遍照於天下

亦不擇好惡 如來猶若茲

普化於十方 亦不有增減

挺埴作瓦器 或盛甘露蜜

計泥本一等 為器各別異

因盛而立名 人本亦如是

隨行而隨生 展轉不自覺

中住則緣覺 倚空不解慧

譬如人生盲 不見日月光

謂天下無此 良醫探本端

慈哀憐愍之 入山為求藥

名顯良明安 吹咀而擣合

消息加針灸 病愈目覩明

乃知本淳愚 人不了本無

十二緣所縛 不解終始病

觀視三界原 因疾而隨本

了空則菩薩 意劣為緣覺

其明無增減

慧等殊日月

若如彼陶家

或受酪蘇食

所受又不同

無三界五道

解空号菩薩

則名為聲聞

五色及十方

見四病陰蓋

所採藥奇妙

以療生育者

見日月五色

坐墮生死徑

世尊現於世

各各開化之

畏獸生死苦

故墜于聲聞

所觀極究練

号名曰仙人

不能知幽奧

雖明故為冥

若人欲危害

不踏步不到

五事表裏徹

自謂無等倫

精思專念道

捨家入深山

若得至聲聞

與佛等泥洹

為現菩薩法

進善權方便

四等心四恩

幻夢野馬影

不執亦不捨

自謂道德高

無所復弊礙

愍而告之曰

於真則為明

數十里有聲

不知彼所念

若生長大時

尔乃為悉達

欲得五通者

尔乃曉了此

一心無微慮

及獲緣覺乘

臨欲滅度時

三達無罣礙

度空無想願

用開化黎庶

深山響芭蕉

無愚亦不明

無能有踰者

猶如五通者

卿故有弊礙

在內不見外

耳則不得聞

欲至外數里

不識胎中事

何以忽貢高

當處於閑居

尋即奉所誨

便得成神仙

自謂慧具足

佛即住其前

智慧度無極

菩薩由是生

解一切如化

三界無所有

不生死泥洹

悉等如虛空 無見無不見 乃覩一切本
當尔時所見 不造三乘觀 一切普平等
所濟無有量

正法華經授聲聞決品第六

於是世尊說斯頌時一切普告諸比丘眾吾
盡宣告此聲聞比丘大迦葉者曾已供養三

千億佛方當供養如此前數奉敬承順諸佛
世尊稟受正法奉持宣行竟斯數已當得作
佛世界曰逮明劫名彌大佛号時大光明如
來至真等正覺明行成爲善逝世間解無上
士道法御天人師爲佛眾祐壽十二中劫佛
滅度後正法住二十劫其像法者亦二十劫

其佛國土甚爲清淨無有礫石荆棘穢濁之
瑕山陵谿澗普大快樂紺瑠璃地眾寶爲樹
黃金爲繩連綿諸樹有八交道諸寶樹木常
有華實悉皆茂盛其土諸菩薩無鞅數億百
千姪諸聲聞等亦不可量億百千姪其上無有
魔事及諸官屬諸魔營從皆護佛法常行精

進無所違失尔時世尊欲重解義即說頌曰
我覩比丘以佛明目 迦葉住此 當成爲佛
於將來世無鞅數劫 供養諸佛 兩足之尊
具足悉滿三千億佛 斯大迦葉 諸漏得盡
便當越度三品之行 當得佛道 親近法施
供養諸佛 天人之尊 合集得至 無上大道

正法三

七

最於末世尊無等倫 爲大聖導 無極神仙
其佛國土最勝第一 清淨離垢 若干顯現
隨意所欲常可至心 紫磨金色 珍寶莊嚴
復以珍寶成爲樹木 有諸道運 嚴八交路
天人芬香自然流馨 彼時國土 所有如是
若干種華而爲交飾 一切諸華 紫磨金色

出光音聲 以爲法則 普常微妙 莫不見者
諸菩薩眾 億千之數 志性調定 逮大神通
諸聖詰等 奉方等經 不可計數 億百千姪
無有諸漏 奉持志彊 所有聲聞 彼佛法勝
假使天眼 欲計劫限 弟子之數 不可稱竿
其佛當壽 十二中劫 正法當住 二十中劫

像法亦立二十中劫 大光明佛 德當如是
於是賢者大目捷連 賢者須菩提賢者摩訶
迦旃延等類同心側立頂戴瞻順光顏目未
曾眴瞽首足下戰戰兢兢應時各各說斯頌
嗟歎曰

大雄無所著 釋王無極仁 乃愍傷我等

讚揚宣佛音 今以知余等 愍授我疇別

以甘露見灌 沐浴衆祐決 譬如飢饉時

丈夫得美饌 虛乏叫喚求 有人手授食

吾等咸歡喜 本爲下劣乘 違時捨衆人

虛乏不得決 設至平等覺 大聖不拜授

於今處世倫 則不復飲食 世尊見勸勵

聞尊上音聲 唯垂見授決 余乃獲大安

大哀願散疑 愍傷多所矜 撫恤貧匱意

甘露誘示子

於是世尊見諸耆舊 心志所念即復重告諸
比丘衆比丘當知此 大聲聞耆年須菩提當
復奉侍供養八千三十億百千妓佛在諸佛

所常修梵行積累功德具足究竟後世時
當得作佛号稱歎如來至真等正覺明行成
爲善逝世間解無上士道法御天人師爲佛
衆祐世界名寶成劫曰寶音普佛之土周匝
悉遍有諸寶樹自然莊嚴無沙磧石山陵谿
澗其樹音聲哀和柔雅衆庶產業不可稱數
在 正法三 六

人所居時館宇若干重閣校露有無鞅數聲
聞之衆欲計筭者無能限量悉識宿命彼土
菩薩亦不可計億那術百千其佛當壽十二
中劫滅度之後正法當住二十中劫像法亦
立二十中劫則坐虛空爲一切人講說經法
開化無數百千菩薩尔時世尊而說偈曰

今吾普告諸比丘衆 悉且明聽 佛所班宣
尊須菩提 是吾弟子 當來之世 得成爲佛
大聖所見 至誠無虛 具足三十 那術姪千
當於世間 遵修道行 常志求斯 佛之要道
於後來世 究竟行已 顏色殊妙 相三十二
威耀巍巍 紫磨金容 處世清淨 多所愍哀

國土快樂 所在顯現 無數人見 踊躍可意
 悉當遊行 詣於世尊 度脫群生 億百千姪
 諸菩薩眾 不可計量 而常廣說 不退轉輪
 在最勝教 諸根通利 皆當恭順 彼佛國中
 諸聲聞事 不可計量 欲有限筭 無能盡極
 六通三達 獲大神足 脫門無礙 而處安隱

計神足力 不可思議 我假使說 諸佛尊道
 諸天人眾 如江河沙 常當義手 自歸聖尊
 其佛當壽 十二中劫 正法當住 二十中劫
 像法亦立 二十中劫 世雄導師 劫數如是
 尔時世尊重復宣告諸比丘眾比丘欲知堅
 固取要分別平等是我聲聞大迦梅延後當

在正法三

十九

才

供養奉侍八千億佛佛滅度後各起塔廟高
 四万里廣長各二万里皆七寶成金銀瑠璃
 水精車渠馬瑙珊瑚碧玉香華雜香擣香繒
 蓋幢幡供養如是過斯數已當復供養二十
 億佛然後來世當得作佛号曰遠已紫磨金
 色如來至真等正覺明行成爲善逝世間解

無上士道法御天人師爲佛眾祐國土嚴淨
 平等無邪名聞顯現瑠璃爲地若干種樹眾
 寶校飾紫磨黃金爲繩連綿諸樹華實茂盛
 華遍佛土無有地獄餓鬼畜生但有諸天人
 民眾多具足充滿又諸聲聞無數百千那術
 之眾諸菩薩等無數百千在嚴國土其佛當

壽十小劫滅度之後正法當住二十中劫像
 法亦立二十中劫於時世尊即說偈言

諸比丘眾 皆聽吾教 其佛音聲 當美柔軟
 尊迦梅延 爲佛弟子 當供養佛 若干導師
 恭敬承順 恭恪無量 無數世人 不能稱計
 若滅度後 當起廟寺 當以華香 而供養之

然於後世 便得作佛 國土清淨 無有暇穢
 講說發起 億千眾生 具足開導 一切人民
 世界在嚴 光照十方 當得爲佛 多所超踰
 号紫金光 其德巍巍 究竟群黎 億百千眾
 無數菩薩 及諸聲聞 滿其佛國 無量難計
 常行精進 於佛法教 除斷諸難 滅終始患

於是世尊復告四部眾會曰今佛大聖宣語
尔等是我聲聞尊大目捷連當悉供養奉侍
於八千佛承順世尊一切無違諸佛滅度當
起塔廟七寶校成金銀琉璃水精車渠馬瑙
珊瑚真珠高四万里廣長二万里若干姝好
眾寶之物供養塔廟及與香華雜香擣香繒

蓋幢幡伎樂之娛過是數已當復奉敬二百
億万佛供養承順最後世時當得作佛号連
已金華旃檀香如來至真等正覺明行成爲
善逝世間解無上士道法御天人師爲佛眾
祐國土名意樂劫曰樂滿其佛世界快樂安
隱清淨鮮潔紺色琉璃以爲其地諸樹華實
在正法三
十

七寶合成昔以真珠眾華在校平等端嚴眾
寶具足諸大仙聖有億百千寂然而坐所謂
無量皆諸菩薩廣說經法其佛當壽二十中
劫滅度之後正法當住四十中劫并計像法
尔時世尊則說頌曰
大目捷連是吾弟子棄捐人行猶得自在

二百万億諸劫之數悉當親見此諸佛教
普於諸佛常修梵行而當志願斯諸佛道
悉當奉侍諸兩足尊具足承事導師之眾
皆當廣普執持聖教若干億劫百千之數
慇懃承順不違大命諸安住等滅度之後
以眾七寶興立塔廟爲諸最勝建修上業

用旃檀香以爲柱梁眾香伎樂而供養之
然於後世事究竟已言談斐粲人所宗仰
多所愍哀所爲如此當得作佛号金旃檀
其佛當壽十二中劫安住所更行德如是
當爲菩薩講說經法於其劫數分別雅義
最勝聲聞自無數千億百千數如江河沙

六通三達得大神足於安住世獲致妙通
無數菩薩悉不退轉精進勇猛有志智慧
修行如應順斯佛教不可計量若干千數
佛滅度後弟子多學正法當住流布十方
正法像法住四十劫正法沒盡像法乃出
是佛聲聞得大神足佛皆勸立在大尊道
此乙
十

依倚大聖 不違真慧 於當來世 成佛自在

正法華經卷第三

在三

懌音亦也 羸莫報反 抄息殘反 疲憊上音皮勞也下蒲拜反 瘦也 芬蘊上扶文反下紆云反 諸經謂芬蘊也 正作粉蘊 香氣

正法華經卷第四

在四

西晉三藏竺法護譯

正法華經往古品第七

陳亮

佛告諸比丘乃去往古久遠世時不可計會 無執數劫有佛号大通衆慧如來至真等正 覺明行成爲善逝世間解無上士道法御天

人師爲佛衆祐世界曰大植稼劫名所在形 色其佛說經不可稱限譬如於是三千大千 世界所有土地有一士夫皆悉破碎此一佛 國悉令如塵則取一塵過東方如千佛界中 塵之數國乃着一塵如是比類復取一塵越 東如前佛界塵數乃着一塵悉使塵書三千

大千世界中塵令無有餘遍於東方如是比 類無量佛國於意云何寧可稱限得諸佛界 邊際不乎比丘荅曰不也世尊不也安住佛 言比丘如是等倫佛土諸數悠悠猶如有人 一一取塵着諸佛土若干之限諸佛國塵不 可稱量億百千劫北載諸劫欲知其佛滅度 以來劫數長久不可思議無量難測大通衆 慧道力示現滅度以後法住劫數亦復如是 世尊頌曰 我念過去 無數億劫 時有如來 兩足之尊 名大通慧 無極慈仁 於時世尊 黎庶之上 比如皆取 此佛世界 悉破碎之 盡令如塵 假使有人 一一取塵 過千佛界 乃着一塵 如是次第 聖尊國土 其人着塵 皆令悉遍 若干之數 悉令周普 世界衆限 有不可數 一切所有 大聖國土 諸所有塵 不可限量 皆悉破碎 令無有餘 大聖至尊 逝來如斯 其佛安住 滅度已竟 劫數如是 無量億千